

VENCID ENTERIC-COATED TABLET 40MG

Pantoprazole 40mg (as Pantoprazole Sodium Sesquihydrate)

Apakah yang ada pada risalah ini

1. Apakah kegunaan Vencid
2. Bagaimana Vencid berfungsi
3. Sebelum menggunakan Vencid
4. Cara menggunakan Vencid
5. Semasa menggunakan Vencid
6. Kesan-kesan sampingan
7. Cara penyimpanan dan pelupusan Vencid
8. Maklumat lanjut
9. Pengilang dan Pemegang Pendaftaran Produk
10. Tarikh kemaskini RiMUP

Apakah kegunaan Vencid

Digunakan untuk merawat penyakit berkaitan dengan asid perut dan usus.

- Gastro-oesophageal reflux- inflamasi/ keradangan esophagus (sederhana/ teruk) yang diiringi dengan masalah asid perut.
- Ulser duodenum/ usus dan perut.
- Bagi pesakit ulser usus dan perut yang menerima rawatan kombinasi dengan antibiotik (Pantoprazole dan dua antibiotik yang berlainan), untuk jangkitan bakteria *Helicobacter pylori*.
- Zollinger-Ellison syndrome dan keadaan lain di mana rembesan asid hidroklorik yang berlebihan.

Bagaimana Vencid berfungsi

Vencid Enteric-Coated Tablet adalah "selective proton pump inhibitor" yang mengurangkan rembesan asid perut.

Sebelum menggunakan Vencid**- Bila tidak boleh menggunakan**

Jangan ambil ubat ini jika anda:

- alergi (hypersensitiviti) terhadap pantoprazole atau bahan-bahan lain yang terkandung dalam ubat ini.
- mengambil atazanavir (ubat rawatan HIV/ AIDS).
- mengambil rawatan kombinasi dengan antibiotik dan mengalami masalah hati atau ginjal yang sederhana atau teruk.

- Sebelum menggunakan Vencid

Sila beritahu doktor atau ahli farmasi jika anda mengalami:

- masalah perut atau usus yang ringan.
- penurunan berat badan.
- muntah yang kerap.
- susah menelan.
- muntah berdarah.
- anemia.
- tinja berdarah.
- kerosakan hati yang teruk.
- hamil atau menyususu.

Sila beritahu doktor sebelum mengambil ubat ini, jika anda perlu mengambil ujian darah yang spesifik (Chromogranin A).

- Jika pengambilan ubat-ubat lain

Beritahu doktor jika anda menggunakan sebarang ubat lain, termasuk ubat yang dibeli tanpa preskripsi dari farmasi, pasaraya, atau kedai makanan kesihatan.

Cara menggunakan Vencid**- Berapa banyak harus digunakan**

Gastro-oesophageal reflux- inflamasi esofagus:

20 hingga 40mg sekali sehari pada waktu pagi selama 4 minggu.

Ulser duodenum:

40mg sekali sehari pada waktu pagi selama 2 minggu.

Ulser perut:

40mg sekali sehari pada waktu pagi selama 4 minggu.

Zollinger-Ellison syndrome:

80mg sehari.

Jangkitan *Helicobacter pylori*- rawatan kombinasi dengan antibiotik (Pantoprazole dan dua antibiotik yang berlainan) bagi tempoh seminggu:

Kombinasi terapi adalah seperti berikut:-

- i) 2 x 40mg Pantoprazole / hari
+ 2 x 1g amoxicillin / hari
+ 2 x 500mg clarithromycin / hari

- ii) 2 x 40mg Pantoprazole / hari
+ 2 x 400-500mg metronidazole / hari
+ 2 x 250-500mg clarithromycin / hari

- ii) 2 x 40mg Pantoprazole / hari
+ 2 x 1g amoxicillin / hari
+ 2 x 500mg metronidazole / hari

Tablet kedua mesti diambil sebelum makan malam.

Doktor atau ahli farmasi anda akan preskrip dos yang lain berdasarkan keadaan individu.

- Bila perlu digunakan

Bagi dos sekali sehari, ambil pada waktu pagi sebelum sarapan pagi.

Jika terdapat dos kedua dalam sehari, ambil sebelum makan malam.

- Berapa lama perlu digunakan

Berdasarkan preskripsi doktor atau ahli farmasi.

Rujuk kepada doktor atau ahli farmasi sebelum mengambil ubat ini untuk tempoh masa yang lebih panjang.

- Jika terlupa menggunakan

Ambil secepat mungkin apabila anda teringat. Jika dos seterusnya adalah hampir, ambil dos yang seterusnya. Jangan ambil dos berganda untuk menggantikan dos yang terlepas.

- Jika mengambil berlebihan (terlebih dos)

Kesan sampingan overdos tidak diketahui. Walau bagaimanapun, rujuk kepada doktor secepat mungkin jika terlebih ambil.

Semasa menggunakan Vencid**- Perkara yang harus dilakukan**

Sentiasa cuci tangan sebelum mengambil tablet. Makan tablet bersama air dan cuba mengambilnya pada waktu yang sama setiap hari.

- Perkara yang tidak boleh dilakukan

Jangan kunyah tablet. Telan tablet dengan air.

Jangan ambil ubat ini tanpa preskripsi doktor atau ahli farmasi.

- Perkara yang perlu diberi perhatian

Sila beritahu doktor atau ahli farmasi jika anda:

- alergi terhadap sebarang bahan yang terkandung dalam ubat ini.
- pengurangan paras vitamin B12.
- mempunyai jangkitan perut usus.
- pengurangan berat badan, mengalami anemia, muntah berdarah, dan tinja berdarah.
- hamil atau menyususu.

Kesan-kesan sampingan

- Sakit kepala, cirit-birit, dan ruam kulit.
- Pening, letih, sembelit, loya dan muntah, perut kembung, sakit perut, sakit otot dan sendi, kegatalan kulit, mulut kering.

Dapatkan rawatan perubatan secepat mungkin jika anda mengalami sebarang kesan sampingan atau masalah alergi.

Jika anda mengambil ubat ini, doktor ada mungkin perlu untuk memantau anda (terutamanya jika anda mengambil ubat ini untuk jangka masa yang panjang). Jadi, anda perlulah membuat laporan jika terdapat gejala baru atau ganjil sewaktu anda berjumpa dengan doktor anda. Perlu untuk anda memberitahu doktor sekiranya terdapat mana-mana gejala seperti di bawah:

- Ruam (terutamanya di tempat yang terdedah kepada cahaya matahari), kemungkinan bersama dengan sakit sendi. (*Subacute Cutaneous Lupus Erythematosus, SCLE*).
 - Demam, keletihan yang melampau, terdapat nanah/darah di dalam air kencing.
 - Kontraksi otot yang tidak sihat, kekeliruan, kejang, pening, peningkatan kadar denyutan jantung.
 - Tulang retak di pinggul, pergelangan tangan atau tulang belakang.
 - Najis berair, sakit perut dan demam yang tidak hilang.
 - Anemia (kulit pucat, lemah, kelesuan atau kegelisahan), sesak nafas, lidah licin, masalah saraf (kebas atau kesemutan, kelemahan otot dan masalah berjalan), kehilangan penglihatan dan masalah mental (kemurungan, hilang ingatan atau perubahan tingkah laku).
- a) *Subacute Cutaneous Lupus Erythematosus (SCLE)*
Kekerapan "tidak diketahui"
 - b) *Interstitial Nephritis*
Masalah buah pinggang (*Interstitial nephritis*)
 - c) *Hypomagnesaemia*
Kekerapan "tidak diketahui": Tahap magnesium yang rendah juga boleh menyebabkan pengurangan kadar kalium atau kalsium dalam darah.
 - d) *Fracture*
Kekerapan "tidak biasa": Beritahu doktor anda jika anda mempunyai osteoporosis atau jika anda mengambil kortikosteroid (yang boleh meningkatkan risiko osteoporosis).
 - e) *Clostridium Difficile Diarrhea*
Cirit-birit yang teruk yang mungkin disebabkan oleh jangkitan (*Clostridium difficile*) di usus anda.
 - f) *Fundic Gland Polyps (Benign)*
Kekerapan "biasa": Benign polyps di dalam perut.
 - g) *Kekurangan Vitamin B12*
Proton pump inhibitors boleh menyebabkan kekurangan vitamin B12.
 - h) *Microscopic Colitis*
Keradangan pada usus besar yang menyebabkan cirit-birit berair yang berterusan.

Cara penyimpanan dan pelupusan Vencid

- Penyimpanan

Simpan pada suhu bilik di bawah 30 °C. Jauhi dari kanak-kanak.

Jangan ambil ubat ini selepas tarikh luput.

- Pelupusan

Ubat-ubatan tidak harus dilupuskan melalui air buangan atau sisa isi rumah. Sila rujuk kepada ahli farmasi anda mengenai cara yang betul untuk melupuskan ubat yang tidak diperlukan lagi. Langkah-langkah ini dapat membantu melindungi alam sekitar.

Maklumat lanjut

- Rupa dan warna produk

Tablet bersalut lapis (enteric-coated), berbentuk bulat serta berwarna beige. Terdapat dalam blister strips 7's di dalam kotak bungkusan 14 dan 28 tablet.

- Bahan-bahan kandungan

- Bahan aktif

Pantoprazole 40mg (sebagai Pantoprazole Sodium Sesquihydrate).

- Bahan tidak aktif

Crospovidone, Mannitol, Povidone, Sodium Carbonate Anhydrous, Magnesium Stearate, Hydroxypropyl Methylcellulose Compound Mix, Methacrylic Acid Copolymer Compound Mix, Purified Water.

- Nombor MAL

MAL12115066AZ

Pengilang dan Pemegang Pendaftaran Produk

Xepa-Soul Pattinson (Malaysia) Sdn Bhd
1-5 Cheng Industrial Estate,
75250 Melaka,
Malaysia.

Tarikh kemaskini RiMUP

20/12/2024

Nombor Siri

NPRA(R2/2)241217/1391

Anda boleh melaporkan sebarang kesan sampingan atau kesan advers ubat kepada Pusat Pemantauan Kesan Advers Ubat Kebangsaan melalui No. Tel: 03-78835490, atau laman web npra.moh.gov.my [Orang Awam → Lapori Kesan Sampingan Ubat (ConSERF) atau Vaksin (AEFI)].